



ფინანსთა სამინისტროს აკადემია



ქ. თბილისი

10.05.2022 წელი

### ურთიერთთანამშრომლობის მემორანდუმი

ერთი მხრივ, სსიპ - ფინანსთა სამინისტროს აკადემია (შემდგომში „აკადემია“) წარმოდგენილი მისი დირექტორის ტარიელ ჭულუხაძის სახით, მეორე მხრივ, საქართველოს ადგილობრივ თვითმმართველობათა ეროვნული ასოციაცია (შემდგომში „ასოციაცია“) წარმოდგენილი მისი აღმასრულებელი საბჭოს წევრის, გიორგი ტყემალაძის სახით, ხელმძღვანელობენ რა ურთიერთგაგებისა და პატივისცემის პრინციპებით, გამოხატავენ რა ურთიერთთანამშრომლობის სურვილს, ითვალისწინებენ რა ორივე მხარის სამუშაო მიმართულებებსა და პრიორიტეტულ საკითხებს საქართველოს თვითმმართველ ერთეულებთან მიმართებაში, აღიარებენ, რომ მხარეების თანამშრომლობა ხელს შეუწყობს ადგილობრივი დემოკრატიის განვითარებას და შედეგად სრულფასოვანი განვითარებისთვის შესაბამისი გარემოს შექმნას, გამოხატავენ თანამშრომლობის სურვილს და საკუთარი უფლებამოსილებისა და შესაძლებლობის ფარგლებში, დებენ წინამდებარე ურთიერთთანამშრომლობის მემორანდუმს შემდეგზე:

#### 1. მემორანდუმის მიზანი

- 1.1 საქართველოს ადგილობრივ თვითმმართველობათა ეროვნული ასოციაციის წევრი მუნიციპალიტეტების აღმასრულებელ ორგანოებში დარგობრივი სამსახურებისა თუ განყოფილებების შესახებ ინფორმაციისა და გამოცდილების გაზიარების კუთხით თანამშრომლობა და კოორდინაცია.
- 1.2 საქართველოს თვითმმართველ ერთეულებში გენდერული ბიუჯეტირების საკითხებზე ტრენინგ-სემინარების ეფექტიანად დაგეგმვის, წარმართვისა და განხორციელების მიზნით თანამშრომლობა და კოორდინაცია.
- 1.3 მუნიციპალიტეტების აღმასრულებელ და წარმომადგენლობით ორგანოებში ადამიანური რესურსების გაძლიერების, კოორდინაციის გაღრმავებისა და სხვადასხვა სფეროში გამოცდილების გაზიარების ხელშეწყობა თანამშრომლობის გზით.

#### 2. მხარეთა ვალდებულებები

- 2.1 მხარეები იღებენ ვალდებულებას, მემორანდუმით გათვალისწინებული საქმიანობა წარმართონ ურთიერთშეთანხმებისა და კოორდინაციის პრინციპებზე დაყრდნობით.
- 2.2 მხარეები გამოთქვამენ მზადყოფნას ითანამშრომლონ გენდერული ბიუჯეტირების პოლიტიკასთან დაკავშირებულ საკითხებზე: გაუზიარონ ინფორმაცია, გაიარონ კონსულტაციები და დაინტერესების შემთხვევაში განახორციელონ პროექტი, კვლევა, საკონსულტაციო მომსახურება და ა.შ.

### 3. მემორანდუმის მოქმედების ვადა და ცვლილებების შეტანის წესი

- 3.1 მემორანდუმი ძალაში შედის მხარეთა მიერ მისი ხელმოწერის დღიდან და ძალაშია რომელიმე მხარის ინიციატივით მის გაუქმებამდე.
- 3.2 ნებისმიერ მხარეს შეუძლია ამ მემორანდუმის ყოველგვარი მიზეზის გარეშე გაუქმება მეორე მხარისთვის 30 (ოცდაათი) დღით ადრე წერილობითი შეტყობინების მიწოდების საფუძველზე და კონკრეტული მიზეზით გაუქმება მეორე მხარისათვის 14 (თოთხმეტი) დღით ადრე წერილობითი შეტყობინების მიწოდების საფუძველზე.
- 3.3 მემორანდუმში ცვლილებების შეტანა შესაძლებელია მხარეთა წერილობითი შეთანხმების შესაბამისად.
- 3.4 მემორანდუმის გაუქმების შემდეგ მხარეებმა (მათი შესაძლებლობების ფარგლებში) უნდა განახორციელონ ყველა შესაბამისი და აუცილებელი ღონისძიება მემორანდუმის ფარგლებში უკვე დაწყებული პროექტების დასასრულებლად.


### 4. დამატებითი დებულებები

- 4.1 მემორანდუმის მიზნების განხორციელებისთვის მხარეებმა, საჭიროების შემთხვევაში, შესაძლებელია ითანამშრომლონ მესამე პირებთან.
- 4.2 მხარე, რომელსაც ფორსმაჟორული გარემოებების გამო, ხელი შეეშლება თავისი ვალდებულებების შესრულებაში, არ უნდა იქნას განხილული ამგვარი ვალდებულებების დამრღვევად. ხსენებულმა მხარემ ყველა ღონე უნდა იხმაროს ფორსმაჟორულ გარემოებათა შედეგების შესამსუბუქებლად. ამავე დროს, მხარეებმა ერთმანეთთან უნდა აწარმოონ კონსულტაციები ამ მემორანდუმის შემდგომი განხორციელების საშუალებებზე.
- 4.3 წინამდებარე მემორანდუმის ფარგლებში განსახორციელებელ პროექტებთან დაკავშირებული ხარჯების ანაზღაურების საკითხი განიხილება ინდივიდუალურად, მხარეთა წერილობითი შეთანხმების საფუძველზე.

### 5. მხარეთა რეკვიზიტები

სსიპ „ფინანსთა სამინისტროს აკადემია“

მის: ქ. თბილისი გორგასალის ქ. #10, 0114  
ტელ: (+995 32) 26 10 26  
ვებ-გვერდი: [www.mofacademy.ge](http://www.mofacademy.ge)  
ელ-ფოსტა: [academy@mof.ge](mailto:academy@mof.ge)




ტარიელ ჭულუხაძე

საქართველოს ფინანსთა სამინისტროს  
აკადემიის დირექტორი

საქართველოს ადგილობრივ  
თვითმმართველობათა ეროვნული ასოციაცია

მის: ქ. თბილისი, ა. ბელიაშვილის ქ. N 142, 0322  
ტელ.: (995 32) 2 72 67 34  
ვებ-გვერდი: [www.nal.ge](http://www.nal.ge)  
ელ-ფოსტა: [office@nal.ge](mailto:office@nal.ge)



გიორგი ტყემალაძე

საქართველოს ადგილობრივ თვითმმართველობათა  
ეროვნული ასოციაციის აღმასრულებელი საბჭოს  
წევრი